



SIARAN MEDIA

www.jkkn.gov.my

UNTUK SIARAN SEGERA

Bil. 29 /2023

ROK 2023 MENGANGKAT KEUNIKAN KUMPULAN ETNIK TRADISIONAL TEMPATAN

Kota Kinabalu, 28 Oktober 2023 - Jabatan Kebudayaan Dan Kesenian Negara, Sabah (JKKN Sabah), Kementerian Pelancongan, Seni dan Budaya (MOTAC) menganjurkan program ***RHYTHMS OF KINABALU 2023 (ROK 2023)*** pada 27 hingga 29 Oktober 2023, bertempat di Lintasan Deasoka, Jalan Gaya Kota Kinabalu, Sabah bermula 8.30 pagi sehingga 11.00 malam. Program ini merupakan edisi ke 9 yang diadakan sejak tahun 2012 dan ianya bertujuan untuk mengangkat keunikan seni budaya setempat bagi memulihara dan mengekalkan warisan seni budaya negara.

ROK 2023 adalah sebahagian daripada Program Pelancongan Budaya (Culture-Based Tourism) melalui program teras JKKN di peringkat negeri, yang berjalan sepanjang tahun dengan kegiatan seni budaya disamping memberi ruang dan peluang kepada penggiat seni dan kumpulan muzik tradisional Sabah

mempersembahkan lagu-lagu karya tempatan dan lagu-lagu etnik yang berkonsepkan “*World Music*”. Program ini juga merupakan inisiatif Kementerian Pelancongan Seni dan Budaya melalui JKKN dalam usaha menyemarakkan dan memelihara kesenian tradisi, dan mendekatkan jabatan kepada masyarakat, khususnya di negeri Sabah.

Program ini berkonsepkan persembahan seni muzik yang menggabungkan penggunaan elemen alat muzik tradisional dan alat muzik moden kontemporari yang diiringi oleh persembahan tarian kebudayaan dari kumpulan dan penggiat seni serta persatuan kesenian dan kebudayaan di negeri Sabah. Antara aktiviti kesenian dan kebudayaan yang menarik menanti para pengunjung ialah Bazar Seni Budaya ROK, Pameran Kraf dan Demonstrasi Seni Budaya, Pertandingan Mr & Ms ROK, Pocket Show, Cultural Walk, Pertandingan Bintang Kecil dan banyak lagi.

Kelainan dan keunikan ROK pada tahun ini ialah gabungan persembahan kumpulan etnik tradisional dan moden Sabah yang akan mempersembahkan karya-karya tempatan negeri tersebut. Kemuncak program ialah Majlis Perasmian ROK Extravaganza yang dijangka dirasmikan oleh Ketua Menteri Sabah, YAB Datuk Seri Panglima Haji Hajiji Bin Haji Noor. Kemeriahan malam tersebut juga diserikan dengan penampilan persembahan daripada artis-artis tempatan seperti Dabra Sia, Felix Agus, Tuni Sundatang, Den Bisa,

Isobahtos dan beberapa kumpulan persembahan etnik Sabah yang lain.

Bagi mendapatkan maklumat dan keterangan lanjut mengenai program ini, orang ramai boleh melayari laman sesawang JKKN iaitu www.jkkn.gov.my ataupun boleh layari facebook JKKN melalui pautan www.facebook.com/mysenibudaya atau Media Sosial JKKN Sabah <https://facebook/ikknsabah> dan Facebook Page <https://www.facebook.com/ikkn.sabah/>

_ TAMAT _

Dikeluarkan Oleh:

Unit Komunikasi Korporat

Jabatan Kebudayaan dan Kesenian Negara

Tel: 03-2614 8200 Faks: 03-2697 0786

Laman Sesawang: www.jkkn.gov.my **E-mel:** ukk@jkkn.gov.my

Platform Media Sosial Rasmi JKKN:

Facebook: @Jabatan Kebudayaan dan Kesenian Negara dan @mysenibudaya

Instagram, Twitter & YouTube: @mysenibudaya

Untuk Pertanyaan, Sila Hubungi

Mazidah Binti Mustapha Pengarah Unit Komunikasi Korporat, JKKN mazidah@jkkn.gov.my Tel: 03-2614 8200 / 012-952 2095	Eldawati Binti Laung Penolong Pengarah Unit Komunikasi Korporat, JKKN eldawati@jkkn.gov.my Tel: 03-2614 8200 / 019-809 1805
--	---